

**CONSELLERÍA DE MEDIO AMBIENTE****Xurado Provincial de Montes Veciñais en Man Común**

Edificio Administrativo de Servicios Múltiples

Praza Luis Seoane - 15008 A CORUÑA - Telf.: 981 18 59 02 - 981 18 59 03



Sr. Alcalde Presidente do Concello
C/ Calvo Sotelo, 45
15930-BOIRO

Aos efectos oportunos comunícolle que reunido con data 12 de xullo de 2001 o Xurado Provincial de Montes Veciñais en Man Común da Coruña, acordou dictar a seguinte resolución:

"Reunido o 12 de xullo de 2001 o Xurado Provincial de Montes Veciñais en Man Común da Coruña, baixo a presidencia do delegado da Consellería de Medio Ambiente, D. Higinio J. Sánchez-Rodilla Fuentes, coa asistencia dos vocais, Dona Josefa Fernández Fernández, xefa do Servizo de Montes e I.F., D. Alfonso Vázquez-Castro Garma, letrado do Gabinete Xurídico Territorial da Xunta, D. Juan Ramón Beneyto Bellas, representante do Colexio de Avogados da Coruña, e da secretaria, Dona Ana María Díaz López, xefa do Servizo Xurídico da Delegación Provincial da Consellería de Medio Ambiente, para estudar e resolve-lo

Expediente: 352
Monte: Suasagras
Comunidade: Montañó, Montaña, Piñeiro e Escobias
Parroquia: Lampón
Concello: Boiro

ANTECEDENTES DE FEITO:

1º. Diversos veciños dos lugares de Montañó, Montaña, Piñeiro e Escobias, parroquia de Lampón, concello de Boiro, solicitaron con data 03.04.1998 deste Xurado, a declaración como veciñal dos expresados lugares, do monte arriba citado e que ten as seguintes características:

Superficie: 4,08 Ha.
Indeiros:

NORTE: Hdros. De Benita Tubío Tubío, Francisco Tubío Fernández, e outros veciños de Lampón. LESTE: Río Lérez, José Pouso Vázquez, e río Lérez. SUR: José Pouso Ojea, Joaquina Noal Bretal, e outros veciños de Lampón. OESTE: José Tubío Paz, Dolores Muñiz Fernández, e outros veciños de Lampón.

2º. Á vista de tal solicitude, o Xurado, na súa reunión do 17.11.1999, acordou iniciar o oportuno expediente, nomeándose Instructora del a Dona Ana Mª



CONSELLERÍA DE MEDIO AMBIENTE

Xurado Provincial de Montes Veciñais en Man Común

Edificio Administrativo de Servicios Múltiples

Praza Luis Seoane - 15008 A CORUÑA - Telf.: 981 18 59 02 - 981 18 59 03

Díaz López, quen aceptou expresamente o dito cargo. Procedeuse á correspondente tramitación, librándose mandamento para a anotación preventiva no Rexistro da Propiedade de Noia, oídas tódalas persoas, organismos e corporacións interesadas, expedíndose mandamentos a tal fin dirixidos ó alcalde-presidente do concello de Boiro, ó xefe do Servicio de Montes e I.F. e publicándose edictos no D.O.G. (nº 83 de 02.05.2000), taboleiro de anuncios do concello e lugares de costume.

3º. Os veciños dos lugares de Montañó, Montaña, Piñeiro e Escobias, fundamentan a súa petición ante o Xurado Provincial de Montes Veciñais en Man Común en que desde tempo inmemorial o monte Suasagras aproveitouse en réxime de comunidade e sin asignación de cotas polos veciños de tales lugares. Nese sentido presentan acta de manifestacións ante notario

Finalizado o período de publicación dos Edictos, non houbo alegación algunha contra o presente expediente.

4º. Na tramitación destas actuacións cumpríronse as formalidades legais e regulamentarias, esixidas principalmente pola Lei 13/89, do 10 de outubro, de montes veciñais en man común, e o seu Regulamento de aplicación aprobado polo Decreto 260/92, do 4 de setembro, ambos da Comunidade Autónoma de Galicia, Lei de procedemento administrativo e demais disposicións aplicables ó caso.

FUNDAMENTOS DE DEREITO:

1º. O Xurado Provincial de Montes Veciñais en Man Común da Coruña ten xurisdicción e competencia para coñecer deste expediente en virtude do disposto nos artigos 9 e 10 da Lei 13/89, do 10 de outubro, de montes veciñais en man común.

2º. De conformidade co contido do artigo 11 da citada Lei e 19 do Regulamento, aprobado polo Decreto 260/92, do 4 de setembro, os veciños de Montañó, Montaña, Piñeiro e Escobias, parroquia de Lampón, concello de Boiro, son parte lexítima para solicita-la iniciación do presente expediente de calificación.

3º. Para a súa calificación como veciñal en man común, o monte debe reunir as seguintes características: 1) Pertenza a agrupacións de veciños na súa calidade de grupos sociais, non como entidades administrativas; 2) Se aproveite consuetudinariamente en réxime de comunidade, sen asignación de cotas polos membros de cada agrupación na súa condición de veciños comuneiros; 3) Que os veciños comuneiros residan habitualmente con casa aberta dentro da área xeográfica sobre a que se asenta o grupo social que tradicionalmente aproveitou o monte (artigos 1, 2 e 3 da Lei 13/89 e 1, 2 e 3 do Regulamento do 4 de setembro de 1992).

CONSELLERÍA DE MEDIO AMBIENTE

Xurado Provincial de Montes Veciñais en Man Común

Edificio Administrativo de Servicios Múltiples

Praza Luis Seoane - 15008 A CORUÑA - Telf.: 981 18 59 02 - 981 18 59 03

4º. Das actuacións obrantes no expediente, e en especial da comprobación do que se expresa no punto anterior, principalmente polo informe aportado polo Servicio de Montes e I.F. desta Delegación, onde se acredita que o monte viña aproveitándose de forma consuetudinaria pola comunidade solicitante, dedúcese que no presente caso nos encontramos cun monte pertencente á comunidade veciñal dos lugares de Montañó, Montaña, Piñeiro e Escobias, parroquia de Lampón, no que se cumpren os aludidos requisitos.

Por iso, éste Xurado, á vista dos antecedentes e fundamentos de dereito expostos, por proposta da Instructora,

ACORDA calificar como monte veciñal en man común da comunidade dos lugares de Montañó, Montaña, Piñeiro e Escobias, na parroquia de Lampón, concello de Boiro, o denominado monte Suasagras, cos lindeiros, superficie e características que figuran no primeiro antecedente. Asimesmo, acordase excluí-lo declarado do Inventario de Bens do Concello e do Catálogo dos de Utilidade Pública, se neles estivera inscrito, incluíndolo no Rexistro de Montes Veciñais en Man Común que figura na Delegación de Medio Ambiente da Coruña".

Contra esta Resolución poderase interpoñer recurso de reposición con carácter potestativo ante o Xurado Provincial de Montes Veciñais en Mano Común da Coruña no prazo DUN MES ou recurso contencioso administrativo ante o Tribunal Superior de Xustiza de Galicia no prazo de DOUS MESES, contados desde o día seguinte ó da recepción da presente comunicación, segundo o disposto na Lei 4/1999, de modificación da Lei 30/1992, de 26 de novembro, de Réxime Xurídico das Administracións Públicas e do Procedemento Administrativo Común.

A Coruña, 22 de xullo de 2001



Vº e Pr.
O PRESIDENTE DO XURADO,

Asdo. Higinio J. Sánchez-Rodilla Fuentes

A SECRETARIA DO XURADO

Asdo. Ana María Díaz Loorz





Asociación
Forestal
de Galicia

OFICINA DE BOIRO

EL INGENIERO:

Tomás López Franco

PLANO DE SITUACIÓN

MONTE SUASAGRAS

NÚMERO:
1

C.M.V.M.C. DE MONTAÑO E OUTROS



FECHA:

21/02/98

BOIRO

ESCALA:

1/10.000